

## Bosebeletsi ba Petrose



---

## SABATHA MANTSIBOEA

### **Bakeng sa thuto ea beke ena, bala:**

Liketso 9:32–43, Loketso 10:9–16, Ba-Efese 2:11–19, Liketso 11:1–26, Liketso 12:1–18.

### **Temana ea Khopolo:**

“Eaba Petrose o ahlamisana molomo, a re: ‘Ke lemoha ka ’nete hore Molimo ha o ee ka tšobotsi ea batho. Empa har’a lichaba tsohle, ea o tšabang, le ea etsang ho lokileng, ke eena ea o khahlisang’ ” (Liketso 10:34, 35).

**K**a ho tloha ha Paulose ho ea Tarese, Petrose hape e ba mophetoa oa sehlooho tlahelong ea Luka ea matsatsi a pele a kereke ea Bokreste. Petrose o hlahisoa e le mohlahloaeli oa moevangeli Judea eohle le metse e e potileng. Liketso mona e bolela ka lipale tse peli tsa mehlolo tse khutšoanyane, ho folisoa ha Enea le ho tsooa ha Tabitha (Dorcas), tse lateloang ke pale ea Kornele khalong ea 10.

Tšokoloho ea Balichaba e ile ea eba taba e bakang khohlano e kholo kerekeng ea baapotola. Leha puisano e ileng ea tla ka mora kolobetso ea Kornele e ile ea ba hoele le ho rarolla mathata ‘ohle, tšollelo ea Moea, ha re hopola se etsahetseng ka Pentekonta, se thusitse ho kholisa Petrose le baena Jerusalema hore litlhohonolofatso tsa evangeli ha lia shebana feela le Bajude. Ka lehlakoreng le leng, kereke ea Antioke e ne e se e qalile ho tsamaela ho Balichaba.

Thuto ea beke ena hape e kenyeletsa ho qhoma ho ho cha, ha litlhoriso tse khutšoane—ka nako ena tlasa Morena Heroda—le Baapostola ba ameha, ha tsa pele li ile tsa ba pota ka thoko tse eteletsoeng pele ke Paulose.

*\*Ithute thuto ea beke ena ho lokisetsa Sabatha, II Phato.*

## Lidia le Joppo

Petrose o ne a etela likereke tsa Bakreste mabopong a Judea. Sepheo sa hae mohlomong e ne e le ho ba fa thuto tsa motheo (Liketso 2:42), empa Molimo a mo sebelisa ka matla ho etsa mehlolo ka tsela e tsoanang le eo Jesu ka sebele a entseng ka eona.

**Bala Liketso 9:32–35. Ke ho tsoana hofe mohlolong o entsoeng ke Jesu ho Luka 5:17–26 le pholisong ea Enea?**

---

Ntle le sebete sa tlaleho ena, mohlolo o re hopotsa pale e tsejoang haholo ea motho oa Kapernauma ea neng a omeletse litho ea ileng a folisoa ke Jesu (Luka 5:17–26). Le ka tlhaloso ea ho kenyeletsa liphate ea tsoana. Se bohlokoa, leha hole joalo, ke tšusumetso eo pholiso ea Enea e bileng le eona, e seng feela Lidya empa le libakeng tse sekileng le lebopo la Sharone. Ka mora ho ikholisa ka mohlolo oo, batho ba bangata ba sokolohela ho Morena.

**Bala Liketso 9:36–43. Hlahloba pale ea tsoso ea Tabitha. Ke eng e neng e khethehile ka eena?**

---

Tabitha—lentsoe la se-Aramaic le bolelang “thiane;” ka se-Gerike, Dorcas—e ne e le molumeli ea ratoang motseng oa habo ka lebaka la mesebetsi ea hae ea lithuso tsa Bokreste. Pale ea tsoho ea hae hape e tsoana le mohlolo o entsoeng ke Jesu, tsoso ea morali oa Jairuse (Luka 8:41, 42, 49–56), eo Petrose e bileng paki ea teng. Ho latela mohlala oa Jesu, a kopa bohle ho tsoa ka tlung (sheba Marekak 5:40). Eaba o khumama fatše a rapela, ka mora moo a bitsa mosali ea shoeleng, ““Tabitha, tsoha”” (Liketso 9:40).

Moapostola a etsa mehlolo e mengata; empa, hantle ena e ne e le mesebetsi ea Molimo ka letsoho la moapostola (Liketso 5:12). Ho tsoana le mehlolo e entsoeng ke Jesu mohlomong e ne e le ho hopotsa kereke, ho kenyeletsa le rōna kajeno, hore se leng bohlokoa haholo ha se hore na se sebelisoa ke mang empa boinehelo ba hae ho Molimo (sheba Johanne 14:12). Ho lumella Molimo ka botlalo ho re sebelisa bakeng sa tšebetso ea evangeli, lintho tse khoho li ka etsahala. Petrose ha a ka tsosa Tabitha feela, empa mohlolo ka bo ona oa etsa hore ho sokolohe batho ba bangata Joppo (Liketso 9:42).

**Batho ba bang ba nahana hore haeba ba ka bona mohlolo oa sebele, joalo ka se etsahetseng mona, ba tla lumela. Leha ka linako tse ling mehlolo e thusitse ho isa batho ba bang tumelong, Bibe le tletse ka lipale tsa bao ba boneng mehlolo 'me ba sakang ba lumela. Ke holima eng hee, moo tumelo ea rōna e lokelang ho ba teng?**

## Ntlong ea Kornele

Joppo, Petrose o ile a lula le Simone e mong oa basuhi (Liketso 9:43). Ka lehlakoreng le leng, Caesarea, bohole ba limaele tse mashome a mabeli a metso e mehlano (40 kilometers) ho tloha Joppo, ho ne ho phela mo-Roma eo e neng e le molaoli oa lekholo ea bitsong Kornele. Eena le ntlo ea hae e ne e le barapeli ba Molimo, leha ba ne ba so kene ka molao bo-Judeng, ho bolelang hore Kornele e ne e le molichaba ea sa bollang. Ponong e fanoeng ke Molimo, o ile a laeloa ho romela mangosa Joppo le ho mema Petrose hore a mo etele (Liketso 10:1–8).

**Bala Liketso 10:9–16, 28, 34, 35. Petrose o ile a ba le maiphihlelo a fe, 'me o ile a a toloka joang?**

---



---



---

Ho bohlokoa ho tseba hore pono ea Petrose e ne e sa bue ka lijo empa ka batho. E, e ne e ka ba motšeaere o moholo, Petrose o ne a lapile, 'me lentsoe la mo bolella hore a hlabe a je; empa, Molimo o sebelisitse pono, e seng ho tlosa tlhalohanyo lipakeng tsa liphoofole tse hloekileng le tse sa hloekang empa ho ruta Petrose ka ho akaretsa ho evangeli. Pono e ne e reretsoe ho resela manganga a Petrose khahlanong le Balichaba. Taba ea Petrose e ne e hore ha a ka kena ntlong ea Kornele le hoja le eena, o tla itšilafatsa e be ha a sa loketse ho khumama tempeleng kapa ho tla boteng ba Molimo. Bajude ba tsoang Judea le libakeng tse potileng, ba lekholong la pele la lilemo ba ne ba sa kopane le Balichaba ba sa bollang. Bothata bo ne bo le thutong ea ka nako eo, e neng e behella Balichaba kathoko letlotlong la Iseraele, leha pono ena e ne e silafalitse taba ea boteng ba Iseraele e le sechaba, ea ho fihlela lefatše ka tsebo ea Molimo oa 'nete.

Kaha lebollo e ne e le letšoa oa le selekane sa Abrahamama, Balichaba ba sa bollang ba khetholloa le ho nenoa. Ba ne ba ke ke ba ba le kabelo ka tsela efe kapa efe litlhothonolofatsong tsa selekane ntle le hore ba amohele lebollo le ho ba ma-Juda. Khopolo e joalo, leha e ne e sa lumellane le ho pharalla ha lefu la Jesu, balumeli ba pele, ha nako e ntse e tsamaea, ba ne ntsa ba tla kutloisisong.

**Bala Tite 2:11, Ba-Galata 3:26–28, le Ba-Efese 2:11–19. Litemana tsee li re ruta eng ka ho akaretsa ha molaetsa oa evangeli? Li lokela ho re bolella eng ka hore ke phoso ha kae ho Bakreste ho nahanela sehlopha sefe kapa sefe hampe ho ipapisitsoe le hore na ke oa morabe ofeng?**

---

## Neo ea Moea

Liketso 10:44–48 e senola motsotso o mahlonoko nalaneng ea kereke ea pele. E bile lekhetlo la pele moo evangeli e rutoang Balichaba ba sa bollang ke e mong oa Baapostola. Ntle le Bajude ba ba-Gerike, Baapostola le balumeli ba Judea ba ne ba sa ikemisetsa ho amohela Balichaba ka hare ho kereke. Kaha Jesu e ne e le Mesia oa Iseraele, ba ne ba nahana hore evangeli e ka khona e rutoe ho Bajude feela ba haufi le ba hole. Balichaba ba ne ba lokela ho sokolohela bo-Judeng, e be joale ba ba amoheloa tumelong. Ka mantsoe a mang, pele Balichaba e ka Bakreste, ba ne ba lokela hore e be Bajude pele. E ne e le mohopolo o hlokang ho fetoloa hara balumeli bana ba Bajude ba bacha. Neo ea maleme e fanoeng ho Kornele le ba ntlo ea hae e ile ea kenyeletsoa e le letšoao le bonahalang hore khopolo e joalo e ne e le phoso, hore Molimo ha a ee ka tšobotsi, le hore ho latala litaba tsa topollo bobeli Bajudele Balichaba ba boemong bo tšoanang ka pele ho eena.

### **Bala Liketso 11:1–18. Kereke e Jerusalema e ile ea itšoara joang ka maiphihlelo a Petrose a Caesarea?**

---



---



---



---

Khethollo ea nako e telele ea Bajude malebana le Balichaba e ile ea etsa hore balumeli ba Jerusalema ba nyatse Petrose ka ho ja le batho ba sa bollang. Ho bonahala e ka ba ne ba khathatsehile haholo ka meetlo ea Bojude ho feta pholoho ea Kornele le lelapa la hae. E ka 'na eaba ba ne ba na le tšabo ea hore haeba kereke e ne e ka hanana le litloaelo tse joalo e ne e ka ba ho latola tumelo ea Iseraele; ba ne ba tla lahloa ke Molimo, e be joale bona ba tobana le liqoso tse joalo ho tsoa ho Bajude ba habo bona—ho isitseng lefung la Setefane. “Nako e ne e tlile bakeng sa karolo ea mosebetsi o mocha o kenoeng ke kereke ea Kreste. Monyako oo balumeli ba Bajude ba neng ba o koalletse Balichaba joale o se o tla buloa phenyenye. 'Me Balichaba ba amohetseng evangeli ba ne ba lokeloa ba nkoe ba le boemong bo lekanang le barutuo ba Bajude, ntle le ho feta moetlong oa lebollo.”—Ellen G. White, *The Acts of the Apostles*, p. 136.

Joalo ka Pentekonta, mona, hape, ba ile ba bua ka maleme a neng a tsejoa pele ke bona, ntle le ho oeoetsa kapa puo tsa leholimo. Sepheo joale se ne se fapane: ha ho Baapostola neo e ne e reretsoe thomo ea kereke ea ka lefatše lohle, ho Kornele e sebelisa e le tiisetso hore mohau oa Molimo o ne o sebetse le hara Balichaba.

## Kereke ea Antioke

Ka khothatso le tšokoloho ea Kornele, Luka ha khutšoanyane o kenella tleho ea hae ea bosebeletsi ba Petrose ho bontša hore na evangeli e tsamaile joang qalong hara Balichaba.

**Bala Liketso 11:19–26. Ho ile ha etsahala eng ha baphaphathehi ba bang ba tla Antioke?**

---



---



---

Karolo ena ea Liketso 11 e supa morao lithhorisong tsa Paulose khaolong ea 8. Ka hona, kaha katleho ea pele e ne e etsahala Judea le libakeng tse ling, ba bang ba Bajude ba ba-Gerike ba ileng ba qobelleha ho tloha Jerusalema ba ne ba hasa evangeli le hofeta meeli ea Judea. Luka o tsepa motseng o moholo oa Antioke, Syria, moo baphaphathehi ba ileng ba qala ho bolella Bajude ba bona evangeli le ho Bajude ba ba-Gerike, 'me ba bangata ba bona ba ne ba amohela tumelo. Thomo ea Jesu ho Liketso 1:8 ka nako eo e ne e phethahala ka tšebetso ea Bakreste bana ba Bajude ba Ba-Gerike. E ne e le bona bao eleng bathehi ba thomo e eang ho Balichaba.

Ka lebaka la katleho ea kereke Antioke, baapostola ba Jerusalema ba etsa qeto ea ho romela Barnabase ho hlahlola boemo. Ka ho bona menyetla ea tsoelo pele ea evangeli, Barnabase a romela ho Paulose oa Tarese, a utloa hore e ka thuso ea bohlokoa. Barnabase o ne a nepile. Nako ea selemo eena le Paulose ba sebetsa 'moho, matšoele a mangata, haholo Balichaba, ba ne ba utloa evangeli. Cheseho eo ba neng ba bua ka Jesu Kreste ea etsa hore balumeli moo ba tsejoe lekhetlo la pele e le “Ba-Kreste” (Liketso 11:26). Hore e be ba ile “ba bitsoa” Ba-Kreste e bolela hore polelo eo e ile ea reoa ke batho ba kante ho kereke, mohlomong e le mokhoa oa ho ba soma, ha balumeli bona ba ne ba ipitsa feela “baena” (Liketso 1:16), “barutuoa” (Liketso 6:1), kapa bona “bahalaleli” (Liketso 9:13). Ka nako eo Liketso e ngoloang ka eona, “Ba-Kreste” e ne e se e le boitsebiso (Liketso 26:28), 'me Luka o bonahala a le amohela. “Mo-Kreste” e bolela molateli kapa ea mamelang Kreste.

**Ho bolela eng ho uena ho bitsoa “Mokreste”? Bophelo ba hao bona na e hlile ke ba Mokreste? Ke hore, o phela ka ho fapana joang le batho bao e seng Bakreste linthong teo eleng tsa bohlokoa?**

---

## Litlhoriso tsa Heroda

Ha re khutlela hape Judea, re tobana joale le tlaheho ea morena Heroda a bolaea Jakobo, ngoanabo Johanne e bile e le mora oa Sebedea (Mareka 1:19). O ne a batla ho etsa joalo le ka Petrose.

**Bala Liketso 12:1–4. Se se ruta eng ka liqholotso tse kereke ea pele e neng e tobane le tsona?**

---



---

Morena Heroda eo ho buung ka eena mona ke Agrippa I, setloholo sa Heroda e moholo (Matt. 2:1); o ne a busa Judea ho tloha ka A.D. 40 ho isa 44. Ka lebaka la tšekamelo ea hae bolumeling, a fumana tšehetso hara Bajude, haholo Bafarisi. Teko ea hae ea ho hapa tšepo ea Bajude ka ho hlasela Baapostola e lumellana hantle le seo re se tsebang ho tsoa mehloling e meng. Ka baka la hore polao ea Jakobo e ile ea ba matla ho phetha merero ea Agrippa, a rera ho bolaea le Petrose. Petrose o ile a tšoaroa le ho lebeloa ke lihlopha tse 'ne tsa balebeli ho mo lebela, sehlopha ka seng bakeng sa tebelo tse 'ne tsa bosiu. Petrose o ne a na le masole a mane ka nako ho eena: o ne a tla tlamelloa ho masole a mabeli, a le mong ka lehlakoreng le leng le le leng, 'me ba babeli ba ne ba tla lebela monyako. Sena se ne etsoa ho leka ho thibela se ileng sa etsahala pejana ka Petrose (le Johanne) (Liketso 5:17–20).

**Bala Liketso 12:5–18. Ho ile ha etsahalang karabelong ea thapelo ea baena?**

---



---

Bosiu etellang pele letsatsi leo Agrippa a rerileng ho hlahisa Petrose kapela lekhlotla le ho mo ahlolela lefu, Petrose hang hape a lokolloa ka mohlole ke lengeloi. Ho tloha moo, re kopana le pale ea lefu la Agrippa Caesarea (Liketso 12:20–23). Liteko li entsoe ho fumana sesosa sa lefu la hae (mosolo, maqeba a kahare, le chefo); empa, Luka o hlakile ka hore morena o shoele ka lebaka la kahlolo ea leholimo.

**Jakobo oa bolaoa, Petrose oa lokolloa, 'me Heroda o tobana le kahlolo ea leholimo. Liketsahalang tse ling re bona toka; ho tse ling, ha ho hlahe joalo. See se lokela ho re ruta eng ka hore ha re na likarabo tsohle lipotsong tsohle tsa rōna le hore na ke hobaneng re lokela ho phela ka tumelo malebana le seo re sa se utloisiseng?**

## Ho Ithuta Haholoanyane:

“Khaolong ea leshome ea Liketso re ba le ketsahalo hape eo ho bonahalang bosebeletsi ba mangeloai a leholimo, mo litholoana e bang tšokoloho ea Kornele le sehlopha sa hae. Ha likhaolo tse na [8–10] li baloe, le ho fumana chalimo e khethehileng. Ho tsona re bona hore leholimo le haufi le Mokreste ea tšebetsong ea ho pholosa meea ho feta ka moo ba bangata ba lekanyang kateng. Re lokela ho ithuta ka bona hape thuto ea Molimo malebana le motho e mong le e mong, le hore motho ka mong o lokela ho tsoara motho e mong e le sesebelisoa sa Molimo phethahatsong ea mosebetsi oa hae lefatšeng.”—Ellen G. White Comments, *The SDA Bible Commentary*, vol. 6, p. 1059. “Ha kereke e rapela, mosebetsi oa Molimo o tla ea pele, 'me lira tsa hae li tla soaba, le hoja sena se sa qobise kereke litlhoroso li boshola-tumelo; tumelo ea Luka ka tlhoho ea evangeli ea utloahala le ho ela hloko hore leha lentsoe la Molimo le sa holehoe, bahlanka ba lona ba ka 'na ba hlokofoa le ho tlangoa.”—I. Howard Marshall, *The Acts of the Apostles* (Grand Rapids: Eerdmans, 1980), pp. 206, 207.

## Lipotso tsa Puisano:

1. Kornele o hlalosa e le monna oa borapeli “ea tšabang Molimo, eena le ba ntlo ea hae bohle o na a thusa haholo-holo bafumanehi ba har’a sechaba, 'me o na a sa phetse ho rapela Molimo” (Liketso 10:2). Ho hlakile hore Moea oa Molimo o no ntso sebetsa ho Kornele le pele a kopana le Petrose. Na e ka ba hore bophelo ba hae ba borapeli e ne e le monyetla hore Molimo a mo fihlele ka molaetsa oa evangeli? Ke thuto efe e teng moo bakeng sa rōna paleng ea hae?
2. Ka sehlopheng khutlelang potsong ea ho qetela ea thuto ea Mantaha e be le ipotsa potso ena: Ke maemo a fe a moetlo, bochaba, le boemo ba polotiki boo u phelang ho bona bo tsoetseng tsitsipano eo Bakreste bas a lokelang le ho nahana le eona? Ka mantsoe a mang, ha re therekella moo, ke joang remle Bakreste re ka phahamelang holimo ho moetlo le nalane?
3. Ho sa natsoe tšenyō, liteko tsa Paulose tsa ho hlorisa li fetohile molemo: baphaphathehi ba tllileng Antioke ba qalella ho ruta, Bajude le Bajude ba ba-Gerike. Ka sehlopheng arolelanang maiphihlelo a lona a bohloko le tšofleho tseo Molimo a li fetoteng tlhohonolofatso.
4. Jakobo e ne e le e mong oa barutuoa ba Jesu ba haufi (Mareka 5:37, 9:2, 14:33); empa, ke eena oa pele ho ba leshome le metso e 'meli ea ileng a shoela tumelo. Ke mehlala efe e meng eo re e fumanang ka Bibeleng ea batho ba tšepahalang ba utloisoang bohloko? Ke lithuto li fe tseo re lokelang ho li fumana litlalehong tsee bakeng sa rōna ka taba ee ea ho hlokofoa?